

均美堂詩集

二

蘇軾詩集
卷之二
PLG

洵美堂詩集卷四



吉州楊文驄龍友甫著



七言律詩

送曾升伯入蜀

雙漿隨潮動遠征客程漸漸接雲行蜀人
自管思文黨漢節從來重馬卿地僻牧民
尊衆母時艱賴子早知兵政餘幸有山公
酒高酌芙蓉杜宇城

其二

蜀國兵消氣近淳
四郊穆穆燹煙新
應知化瑟神仙宰
先得行雲畫裡人
峽口水連七百里
峨眉雪老一千春
不須問卜成都市
佇見丹書下紫宸

讀周甥瞿瞿文志喜

氣接蒼旻拔華嵩
駒龍乳處欲凌空
奇情豈獨難爲舅
駿業還應跨若翁
才子少年

先問德童心長大卽言忠宮衣自昔須仙
骨看爾天香兩袖籠

送張太羨入覲

桂子香生動遠飈仙郎雙漿正乘潮南天
舊澤留江漢東壁新詩近斗杓九點芙蓉
成五色一磚花影散層霄故人須記泥塗
者猶自深宮學楚腰

其二

末路搖搖付膽薪半生踪跡苦風塵寒官
無主憐孤客交我唯君不衆人白玉妝成
天祿閣黃金鑄就五雲身并州民隱難通
問諫艸新封子細陳

別東臯大師師以詩留贈依韻和之
佩法應如佩韋絃鈍根直欲等偏全青蓮
舌上除狂惑白法光中見玅妍寂樂非關
聊遣俗無生便可自安禪再來船子前因

得何必間丘拜灶邊

冬夜集徐起卿管待庵郭清環黃用
我楊無補諸詞盟于小齋

野竹新移伴小亭風吹恰似咏丁丁官貧
有榻留徐孺暑冷無金示管寧志擬郭生
求駿骨道非黃石愧傳經草玄敢謂多奇
字竄外唯橫九點青

方爾止托寄邢孟貞書相期把臂雲

清美堂詩集
三
間及爾止至余尙未歸但讀署壁題
詩而已

一庭梧竹影蕭疎冷暑依然野客居王子
初廻剡溪棹洪喬未寄石頭書慚隨世網
頻呼馬空笑河干浪造車四壁蒼茫琬琰
在閒中得此傲相如

和爾止壁間韵

苦雨酸風苒蒨盤客來題鳳肯分寒已乖

宿諾留余恨且讀新詩爲爾寬正學百年
肩重任柔情五月付輕紈吟餘不獨耽佳
句想入孤懷咏樹檀

初度自壽

時在虎丘

落落頑仙漸近翁壯懷何必問窮通藏身
幸得江南樂駿足羞誇冀北空貧有文章
能自守官儲禮樂靜相攻寒齋喜在三山
側手種桃花歲歲紅

春日訪錢牧齋老師

赤鳥依然到水涯
衮衣猶自戀朝霞
鳴鵲咏後人千古
市虎成時鬼一車
應向東山尋舊德
且看西府發新花
春來莫認桃源窟
門外堤痕護淺沙

劉晉卿建言歸里詩以送之

大節稜稜寄片言
不須三策耀高門
崢嶸君重螭頭筆
困頓余安犢鼻褌
一路梅開

新彩筆六橋桃放約清尊烽烟此日需臣
直知有金蓮照故園

同勒卣次尾集顧子方齋中得七虞
好風吹爽集冰壺勝友同懷不夜珠
三君尊國士折腰一葉笑狂奴句先秋冷
存吾道衣帶雲香戀別途羨子書城應十
萬枕開黃石藺訥謨

數年前與超宗開先結社廣陵玄宰

師主之一筆一墨耳提面命甚樂事
也今過白門兩兄適至重理畫社吾
三人筆陣固自在而師已遠矣因賦
詩記之

淮水初平理畫船布帆恰送故人緣名山
四座隨宗炳采筆千尋屬鄭虔
足至今推我輩築拳自昔憶師傳
干戈不放閒耕鑿好染烟雲護硯田

題畫爲張受先

衡門高柳隔谿沙小築陶潛處士家腰膝
不教狗五斗夢魂唯諳習三車閒餘清白
時馴鳥笑看玄黃浪鬪蝸別後思君江樹
渺擬將畫筆賦蒹葭

同董玄宰老師吳幼民司李雨中訪
眉公山居用司李韻

不分趙瑟與齊竽竹吹荷風認故吾白鳳

飛來皆入壘玉龍參就技稱屠鑿山種樹
松應瘦耕研爲田地自腴子子干旄歌再
續式廬端可贊唐虞

其二

曾學歌魚復問竽不如萬事且從吾小官
余亦成朝隱大嚼君門若過屠雨後倒生
千壑翠日長唯割六絃腴齒牙盡及蒼生
計泉石應將世道虞

其三

擲却秋聲懶聽竽牀頭風雨吼昆吾文慚
弟子躬縫掖武羨將軍隱販屠白石飽眠
參脉望黃精饑後啖松腴世南五絕今翻
出山下應誇再見虞

其四

對竹敲碁似奏竽賦成自愧比肩吾誰憐
滌噐相如老欲効揮刀廣顙屠無飯不須

增馬瘦有師問字飽詩腴太平何必鳴青
鸛先發山頭看射虞

其五

如簧好鳥復如竽求友嚶嚶好共吾出郭
尋幽知後樂愁城堅壘欲先屠山舒石骨
人同瘦鱸斫鱸美味自腴竟日采風追古
道王民耕鑿豈驩虞

其六

時聞閩海報捷

蕭颺松濤似奏竽聲中如訴盡愁吾江南
鴻雁歌安集海國鯨鯢報欲屠天地自寬
容客傲詩書味厚獨文腴卧龍千古推黃
石應有泥丸構不虞

其七

今古吹殘共一竽問天無路只悲吾此生
香國方登岸旋脫深淵欲就屠孤竹影橫
隨月瘦衆松鱗老載雲腴塩車今日知誰

海美堂詩集
識九阪崎嶇亦可虞

其八

寧將豕筆溷吹竽
吾黨踈狂竟付吾
紫螭漸肥堪作供
黃齏愈澹勝沽屠
應知原憲貧兼病
不比伶官色更腴
野鳥入簾知故識
居然無詐亦無虞

送張姬侍 太夫人

秋冷吳江夢自翔
小心賴爾事高堂
生